

Feizdaug Mauznanzcuz:

Aen Yizsi Saenz Vunz Habhuz

毛南族肥套：神人和融的仪式

□ Liengz Hancangh



▲ Heiqnoz feizdaug hwnj daizheiq.

◀ Bannyez depgyawj roxyiuj feizdaug.



▲ Loenghfap mbaenj vuenyungz.



▲ Dangz cangndang feizdaug.



▲ Goengsae son lwgsai diuq feizdaug.

Gijneix dwg ciengz yiekheiq vunz caeuq saenz ndeu, cienbak bi daeuj, gij gangmieng gaeuqgeq, aeu cungj yizsi cuengqcaeq hawj vunz gingqlau ndeu, daihdaih doxcienz, iemq haeuj gij vwnzva gihiyh moix boux vunz Mauznanzcuz, bi' ndwen lawhvuenh, gungganq ok le cungj vwnzva noz Mauznanzcuz daegbied youh saenzmaed haenx— Feizdaug. Feizdaug yienh' ok le vunzcoj Mauznanzcuz gingqbaeq fanh faed sengcingz gwnzbiengz, gawq dwg gij guhcingq lizsij Mauznanzcuz hwnghat, caemh dwg gij yizcanj dijbauj cienzdoengj vwnzva Mauznanzcuz. Bi 2006, feizdaug Mauznanzcuz ginggvaq Gozvuyen baecinj lied haeuj le buek daih' it guekgya gaep feih vuzciz vwnzva yizcanj mingzloeg.

Feizdaug youq hingz sik gwnzde ciq aeu buhrog daugyau, hoeng neiyungz gwnzde miz gij daegdiemj Mauznanzcuz naekgyw. "Feizdaug" dwg gyoepheuh loenghfap daengj hozdung Mauznanzcuz, youq Ciuhmingz Ciuhcingh riuzhengz hwnghoeng, hainduj dwg aen yizsi vunzcoj Mauznanzcuz aeu yienj heiqnoz cuengqcaeq fanh faed gwnzbiengz, youq swncienz ndawde yungzhab le vwnzyoz gwnzbak, gofwen, citheiq, diuqfoux, yaemwenq, ndaekroq, gaekdeu doenghgij yenzsu yisuz Mauznanzcuz baenz le cungj hozdung fungsug ndawbiengz neiyungz lai cungj lai yiengh ndeu. Gij gofwen, diuqfoux, yaemwenq, citheiq doenghgij yisuz hingz sik de cangdoz le gij maqmuengh gyaundeivunz Mauznanzcuz minzcuz daihdaih hwnghoeng, mbaenjgouz bi laeng rumz dingh fwn yinz, gohaeux fungsou haenx.

Feizdaug Mauznanzcuz cungjloih lai, neiyungz lai cungj lai yiengh, gij biujyienh hingz sik cujyau de miz

fwennoz, fouxnoz, yaemwenq noz, gojgaeq noz (cienzgangj gwnzbak), mauhnggeq noz gaekdeu geij daihloih. "Feizdaug" gungh miz cibgeij aen ciengzmienh diuqfoux. "Loenghfap" seiz lij aeu nda "daizcuengq", gaq daizsaenz, youq gwnz daizsaenz "anlaez", venj siengqsaenz, diuqfoux hozdung cungj yungh ban goengsae ndeu daeuj cujiz guh, itbuen dwg youz cibhaj aen diuqfoux gyoebbaenz, biujyienj miz hwnjlae, ciudoh, gaqgiuz, gipva, soengqva, naenghdienh doenghgij neix. Dang goengsae cawjciengq wenqcingj cungj saenz lawz seiz, couh youz goengsae daep aen mauhnggeq cungj saenz haenx diuqfoux. Gij foux neix cujyau neiyungz dwg ranz "loenghfap" haenx maqmuengh doenggvaq mbaenj saenz hozdung ndaej daengz "soengqhawj", hawj lwglan daihdaih hwnghuengh fatdad.

Feizdaug diuqfoux dungcoz miz yamqbaiq unq, yamqdeih hwnjroengz, fat genbuh, heux fwngz loq baiq, diuq yamq iq caeuq baenqciengq heuxgyongx daengj, gig noix miz gij dungcoz yatdiuq haenq hung haenx. Dungcoz gvilwd dwg youq byaij doengh ndawde hwnjroengz diuqyek, unqmbaeu cwxcaih, heiqfaenh haemq



▲ Danz Sinswz goenglax guh mauhnggeq baenz seiqcib geij bi.




▲ Diuq fouxnoz mbaenj hwnghuengh.



▲ Vunzlai gyaenz yawj diuq fouxnoz.



▲ Yiengh naj feizdaug lai cungj lai yiengh.



▲ Mauhnggeq aeu naihsim bae gaekdeu.